

লেখা ও ছবি : উইলেম ডে ভিঙ্ক

# মসীহ যীশু



যী  
শু  
দ্বৈ  
ক

সউগ সময়ের মহান কাহিনী


MILLENDEKIN  
EDMONTON

## বিষয়লা কি .....



স্বর্গদূত : ভগবানের একটা অদৃশ্য খবরিয়া(পৃষ্ঠা - ৫)

আর্শীবাদ : সউগ ভাল জিনিস ভগবান মানষিলাক দিবার চায়, যেইলা উয়ায় চায় সেইলা চদি উমরা করে।




পবিত্র বাইবেল : বাইবেলের মধ্যেত তোমরলা পড়িবার পাবেন ভগবান মানষিলাক কোন চখুত দ্যেখে আর উমার সাথত আচরন করে।

প্রভুর ভোজ : রুটি আর আঙ্গুরের রসের মধ্যে ভগবানের অনুসারিলা উয়ার উয়ার মরনক আর ফির বত্তি উঠার বিষয়ত স্মরন করে।( পৃষ্ঠা -৪১)



ক্রুশ খুটা : একটা অত্যাচারের যন্ত্র যেইটাত যীশু মরনক বরন করিবার গেইছিলেক নিজে আত্মত্যাগের মধ্যে দিয়া। যীশুর অনুসারিলা বাদে এইটা একটা চিহ্নিত পরিনত হইছে। (পৃষ্ঠা -২৫ আর ৫০)



শিষ্য : শিষ্যলাক অনুসারীলাক (পৃষ্ঠা -১৮)।

ইস্টার : মহাভোজ যেইটা যীশুর ফির বত্তি উঠার উপলক্ষে করা হয়। এ্যেকে দিনত যিহুদীলা নিস্তার পরব পালন করে।( পৃষ্ঠা -৩৮-৫৪)



অনন্ত জীবন : যীশুর সাথত জীবন যাপন যেইটা ভগবানের ইচ্ছা। এইটা মরনক জয় করিবার পারে আর যেইটা কোন শেষ নাই।(২৩,২৯,-৩০ আর ৫৯)

বিশ্বাস : ভগবান যেইলা করিবার বাদে প্রতিজ্ঞা করিসে উয়ায় সেইলা করিবে আর সেইলা বিষয়ত ভরসা রাখা।



ক্ষমা : ভগবান ক্ষমা করে, যদিও কাণ্ডায় উপযুক্ত না হয়। ভগবান তোমাক ক্ষমা করিবে; যদি তোমা সত্যই পাণের বাদে দুঃখ পান আর নিজের পরিবর্তন করেন। ক্ষমা করা সম্ভব কেনেনা হামরলা শান্তি পাবার যোগ্য সেইটা যীশু নিজে গ্রহন করিছে।( পৃষ্ঠা -৫৮)

ভগবানের রাজত্ব : ভগবানের রাজত্ব ওঠেকোনায় উপস্থিত হয়, যেঠেকোনায় মানুষ উয়ার বাধ্য হয়।

পবিত্র আত্মা : সেই মানষিলা মধ্যত ভগবানের আত্মা আছে, যায় যায় যীশুক অনুসরন করে।( পৃষ্ঠা - ৫৮)

যীশু : ভগবানের বেটার নাম। মানে উদ্ধারকর্তা ভগবান।

মশীহ : অভিযুক্ত রাজা। মসীহ (একটা হিব্রু শব্দ) যেইটা গ্রীক ভাষায় কয়া হয় খ্রীষ্ট। ( পৃষ্ঠা -৫২-৫৫)

প্রার্থনা : তোমা ভগবানের সাথত কথা কও, চুপচাপ হউক আর জোরে তোমা ভগবানের কথা শুন।(পৃষ্ঠা -১৮,১৯,৪২)।

পুনরুত্থান : যীশু মরন থাকি বত্তি উঠিছে। একদিন সগায় মরন থাকি বত্তি উঠিবে। তার পাছত ভগবান সউগ মাষিলা বিচার করিবেন। (পৃষ্ঠা -৫৩-৫৭)

পুনরাগমন : সউগলায় নয়া হবে যেলা যীশু আরও জগতত ফিরিয়া আসিবে। স্বর্গ আর পৃথিবী ভগবান নয়া করি দিবে।( পৃষ্ঠা -৫৭)

শয়তান : ভগবান আর মানষির অদেখা শত্রু (দুষ্টা হিসাবেও কয়া হইছে)।

পাপ : কোন কিছু যেইলা হামরা ভগবানের বিরুদ্ধে করি আর যেইলা ভগবানের ঠিক করা জায়গাত নিয়া যাইতে বাঁধা দেয়।( পৃষ্ঠা - ৪)

ভগবানের বেটা : যীশুর নাম উয়ায় ভগবানের ছিলেক যায় মানষির রূপ নিয়া ভগবানের বেটা হয়া আসিছিলেক।



## মসীহ যীশু কে ?

যীশু প্রায় দুই হাজার বছর আগত ইস্রায়েলত ছিলেক। হামরা উয়াক মসীহ যীশু বা যীশু করি ডেকাছি। ইয়ার মানে হইলেক উয়ায় রাজা। উয়ায় খালি রাজা না হয়, উয়াক ভগবানের বেটা কয়া সম্বোধন করা হইছিলেক। ইয়ার মানে হইলেক উয়ায় ভগবান থাকি আইসা আর মানষি থাকি আইসা। মসীহ যীশুর জীবন কাহিনী বাইবেলত বর্ণনা করি নেখি থোয়া হইছে। এইটা সউগসময়ের একটা মহান কাহিনী।

## মসীহ যীশুর সময়কাল

মসীহ যীশুর জন্মের সময় থাকি হামারলার বছর গণনা শুরু করা হইসে। সেই সময় মানষি ঠ্যাং দিয়া হাঁটি, গাধা, উট, ঘোড়ার পিঠিত ঘুরি বেড়াইসে। ইউরোপের বেশিরভাগ, মধ্যপ্রাচ্য আর উত্তর আফ্রিকা রোমান সাম্রাজ্যের অন্তর্ভুক্ত ছিলেক। ইস্রায়েলের যীহুদীলার ছাড়া তেমন কাহো নেখিবার পড়িবার পারে নাই। যীহুদীলাক শাস্ত্রীয় মানষি হিসাবে ডেকা হইসিলেক। শাস্ত্রের মধ্যে দিয়া ভগবান কথা কয়। উয়ায়ে বাস্তব সউলারে সৃষ্টিকর্তা। উয়ায় সউগ মাষিলারে বন্ধু হবার চায়। মসীহ যীশু বিষয়টা আরো পরিস্কার করি দেখে দিছে।





## যীশুর সময়কালীন ইস্রায়েল

রাজধানী : যেরুশালেম

প্রদেশ সমূহ : গালিল, শমরিয়া, যিহুদিয়া

আয়তন : প্রায় ২৮০০০ বর্গ কিলোমিটার  
(১০৮১০ বর্গমাইল)

জলবায়ু : প্রায় গ্রীষ্মমন্ডলীয়

রাজনৈতিক অবস্থা : ৬৩ খ্রীষ্টপূর্ব থাকি  
ইস্রায়েল রোমীয় শাসক পন্টিয় পিলাত  
ইস্রায়েলের শাসনকর্তা ছিলেন। রোমীয়  
সম্রাট টিবারিয়াস ইয়ার উপর রাজত্ব  
করিছিলেন।

ধর্ম : যিহুদী ধর্ম। যিরুশালেম যিহুদীলার  
একটা উপাসনালয় ছিলেন। যেটেকোনা  
ব্রাহ্মনলা সউগ ধর্মীয়কার্যলা পরিচালনা  
করিছে। ওইঠেকোনা ধর্মীয় ওস্তাতলা  
(যেমন ফরিশীরা) ধর্মগ্রন্থ বাইবেল থাকি  
মানষিলাক উপদেহ- নিদ্দেশ দিছিলেক।  
ভাষা : হিব্রু ভাষা (যিহুদীদের ভাষা)  
গ্রীক ভাষা (আন্তর্জাতিক হিসাবে ব্যবহার  
করা হইছিলেক। লাতিন ভাষা  
রোমীয়লার ভাষা)।



কেনে এই মানষিলা নদীর ধারত জড়ো হচ্ছে ?



নিজক তৈরী করো,  
ভগবানের রাজত্ব আইসেছে।



নয়া জীবন শুরু করো।



ভগবানের বিচারের কুড়াল  
এ্যারেমধ্যে গাছের গোড়াত  
নাগা হয় গেইছে।



যেই গাছলা ভাল ফল দেয়  
না সেইলাক কাটিয়া অগুনোত  
ফ্যেলে দেওয়া হবে।



হামাকো এ্যকে নাকান করি  
কাটা হবে। কায় ভাল  
জীবন-যাপন করিবার পারিবে ?

ঠিক সেইটায়। কাহোয় ভগবানের  
বিচার থাকি পালেবার পারিবেনা।  
কিন্তুক মোর পাছত একজন আসিবে  
যায় ভিতর থাকি বাইরা সউগ বিষয়  
পরিবর্তন করির পারে।



যদি তোমারলার জীবন  
সত্যই আলাদা করির চান,  
তোমারলার পাপ স্বীকার  
করো আর তারপর জলত  
নামিয়া বাপ্তিস্ম হও।




একটা নয়া জীবন শুরু করির  
বাদে এলা তুই তোর পাপ ধুয়া নিছিস।

নদী পারের ধর্মগুরু যোহন বাপ্তাইজক  
সগাকে ডেকাইলেক.....

মুই গুরুত্বপূর্ণ না হও।  
মুই ঘাটা বানাছ উয়ার  
বাদে ঘাটা বানাছ যায়  
ভগবান কায়, সেইটা  
হামারলাক দেখাবে।  
উয়ায় তোমারলাক  
ভগবানের আত্মা দিয়া  
বাপ্তিস্ম দিবে। যেইটা  
তোমারলাক সম্পূর্ণ  
পরিবর্তন করি দিবে।



আর তারপর



তারপর স্বর্গ থাকি একটা আওয়াজ  
ভাসি আসি কইলেক

হ্যাঁ, তুই মোর  
প্রিয় পুত্র।  
মুই তোক  
ভালোবাস আর  
মুই তোক  
নিয়া সন্তুষ্ট।



মোর.....মোর তোমাক দিয়ায় বাপ্তিস্ম



এলা এইনাকানে কর।  
তারপর ভগবান  
যেইটা চায় সেইটায়  
হামরানা করিমো।



বাবা: তোর রাজত্ব  
আসিবার পায় আর  
তোর ইচ্ছা পূরন  
হবার পায়।





এইটা হামারলার যুগের শুরু যেলা যোহন বাপ্তাইজক ইস্রায়েল জাতিক খ্রীষ্টর আসার বাদে প্রস্তুত করিছে। সেই সময় ইস্রায়েল ছিলেক বিসাল রোমান সাম্রাজ্যের একটা ছোট অংশ মাত্র।

ইস্রায়েল কফরনাহুম

গালিল

নাসারত

কনান

জ

র্ড

ন

যিহুদিয়া

ইস্রায়েল যিহুদিয়া নিজক অসহায় আর অত্যাচারী হওয়া মনে করিছে। সেইবাদে মানষিলা মসীহ কখন আসিবে সেই সময়ের অপেক্ষায় ছিরেক। উয়ায় ছিলেক উদ্ধারকর্তা, যাঁর আসসিবার ভবিষ্যতবাণী পুরানা যিহুদী গন্থত নেথা আছে। এই খ্রীষ্ট ভগবানের ন্যায়ের সফল বাস্তব করবে।

যোহন বাপ্তাইজক জর্ডন নদীর পারত যীশুক পরিচয় করি দিলেক।

দেখ! ইয়ায় ভগবানের ভেড়ার বাচ্চা যায় পৃথিবীর সউগ পাপ দূর করিবে।



উয়ার বাপ্তিস্মের পাছত, ভগবানের পবিত্র আত্মা যীশুক মরভূমির পাকে নিয়া গেইলেক।

উয়ায় ওটেকোনা 80 দিন আর রাইত কাটাইলেক। উয়ায় যেলা ওটেকোনা ছিলেক সেলা উয়ায় কিছুই খায় নাই আর পান ও করে নাই। উয়ায় প্রাখনা করিছিলেক আর উয়ার আসল কাজ কি সেইটা পরিস্কার করি জানিবার পাইছে।




যীশুক সফল হবার নাইগবে, পৃথিবীত উয়াক যেইটা করির নাইগবে যেইটা ভগবানের ইচ্ছা। আর ভগবানের পরিকল্পনা হইলেক, যাতে পৃথিবীর মানষি মরনের কবল থাকি মুক্তি পায়।

যীশু আন্ধারের অধিপতি শয়তানের মুখামুখি হইলেক, যায় মরন আর ক্ষয় দিয়া পৃথিবীক শাসন করেছে।



হ্যাঁ, বাবা: তুই যেইটা চাইস মুই সেইটা করিম।





কিন্তু শয়তান যীশুর বিরোধী, ভগবানের ইচ্ছা সফর করির বাদে সউগসময় যীশুক বাধা দেছে।

যদি তুই ভগবানের বেটা হইস, তাইলে এই পাথরটাক রুটি করি দেখা।

না! বাইবেলত এই কথা নেখা আছে: মানষি খালি রুটিতে বন্ডি রয় না, ভগবানের বাইকেয়র দরকার আছে।



তুই যদি সচাং ভগবানের বেটা হইস উপাসনালয়ের ছাদ থাকি ঝাপ দিয়া পরমান করি দেখাও। একটা কি নেখা নাই স্বর্গদূতলা তোর হাত তুলি ধরিবে?

যদি তুই মোক ভক্তি দিস আর মোর আরাধনা করিস মুই তোক দুনিয়ার সউগ ক্ষমতা দিম।

আর স্যেলায় শয়তান যীশুক একলায় তুইয়া চলি গেইলেক। স্বর্গদূতলা উয়ার সেবা করির আসিলেক।



এইটাও নেখা আছে, ভগবানক পরিষ্কা না করিস।




দূর হ শয়তান! এইটাও নেখা আছে উয়ায় খালি সেবা উপাসনা পাবে।




য্যেলা যীশু গালিলত ফিরি গেইলেক, উয়ায় পবিত্র আত্মাত ভরপূর আছিলেক। যীশু বড় হইলে যেটেকোন ম্যেলা মানষি রয়। য্যেলা উয়ায় ঘাটা দিয়া যায় স্যেলা ম্যেলা মানষি জানিবার হাউস করে উয়ায় কী খ্রীষ্ট যার সমন্ধে ভগবানের খবরিয়ানা নেখিছে।

গালীলের কান্না গঞ্জের একটা বিয়ার অনুষ্ঠান চলির ধরছিলেক।



যীশু ঐ অনুষ্ঠানত উয়ার মাও  
আর বন্সুলার নগত গেইছিলেক।





গালিল নদীর পারত কফরনাহুম আছিলেক জালিয়ালার উন্নতির গেরাম। এটে থাকি যিশু ভগবানের শাসন সমন্ধে কতা কওয়া আরম্ভ করে!



এটেকোন পাইলা উয়ায় শিষ্যলাক বাছাই করি নেয়।



পিতার মইদো সাগরত যা আর  
তোর জাল ফেলাও।



প্রভু হামরা সারা দিন খিব খাটা  
খাটুনি করিচি, কোনয়  
ধরির পাই নাই।



কিন্তুক তোমরা কবার ধরচেন-



কি! মুই করির পাং না!





যাকোব! যোহন!  
এটেকোনা উঠি  
আয়! এইটা  
সারা জীবনের  
বাদে ধরেক।



মোক ছাড়ি দেয় প্রভু। মুই  
একজন পাপী মানষি।

পিতর ভয় না খাইস।



আইসেক মোক অনুসরন করেক!  
মুই তোমাক ভগবানের ঘটাত  
আনির মানষি ধরা জালুয়া বানইম।





মোক অনুসরন করেন!

যীশু উয়ায় শিষ্যলাক নিয়া গালীল প্রদেশের সউগ জাগাত ঘুরিয়া ভগবানের শাসন ব্যবস্থা সমন্ধে কইলেক। ঐ সময় উয়ায় মানষিলার সউগ নাকানের অসুখ ভাল করিলেক, বেয়া আত্মালাক খেদাইলেক। মানষি উয়ার কাম দেখিয়া অচানক হইলেক আর অনুসরণ করির নাগিলেক। অইন্য প্রদেশ আর যিরুশালেম থাকি মানষি আসির নাগির নাগিলেক। উমরা উয়ার পতিটা কতা মনে পরানে বিশ্বাস করিলেক।



ধন্য যায় যায় ভোগ নাগচে কেনেনা উমরা তিপি পাবে।



তুই নিজে অইন্যেরটে থাকি যেই নাকান  
ব্যবহার চাইস, তুইও অইন্যের সোদে ঐ  
নাকান ব্যবহার করেক।



তুই শক্রলাক পিরিত করেক,  
আর উমার বাদে পার্থনা করেক।



তুই মানষিলার গুনগান পাবার  
বাদে না হয় বরং গোপনে  
উপকার করেক।



যে কাণ্ডে কোন বেটিছাওয়ার  
পতি কাম ভাব নিয়া নজর দেয়  
স্যেলায় উয়ায় মনে মনে  
ব্যভিচার করে।



চখু শরীরের বাতি। যদি তোমার চখু সরল  
হয় তাইলে সারা শরীর আলোতে ভরপুর  
হবে। কিন্তুক তোর চখু যদি বেয়া হয়  
তাইলে গঠায় শরীর আন্ধারে ভরপুর হবে।



ধন্য যেইটায় হউক কাণ্ডে দুই মালিকের  
সেবা করির পারে না।



আইসা কালির বাদে  
চিন্তা না করিস, পাইলা  
ভগবানের শাসনের বিষয়  
চিন্তা করেক তাইলে  
সউগ পাবু।




যদি তুই মোক বাইক্য মানিস তাইলে তুই এমন একজন মানষির নাকান হবো যায়  
শিলের উপরাত বাড়ি বানাইলেক। আর সেইটা যদি তুই না করিস তাইলে তুই  
এমন মানসির নাকান হবু যায় বালুর উপরত ঘর বানাইলেক।



একদিন কফরনাহনত যীশুর বাড়ির চাইরো পাকে  
মানষিলা ভির করছিলেক....

হামরা কোন দিন ইয়ার  
ওটেকোনা যাবার পাবার না হই



নিশ্চয় ছাদ আছে  
খাট আর বিছানা  
শুদায় নিলেক।

ওটেকোনা কি  
হবার ধরচে?

উমারলাক ছাড়িয়া দেও  
উমার খিব বিশ্বাস আছে।



তোর পাপ  
ক্ষমা হইলেক।



উয়ায় কি নাকান করি  
করিলেক! তুই কি শুনছিস?

উয়ায় ভগবানের  
নগত তামাসা করিচে!

কাণ্ডকে পাপ মুক্ত করির খালি  
ভগবান পারে।



একজন নুলা রুগিক কোনটা কওয়া  
ভাল, তোর পাপ ক্ষমা করা হইলেক  
না হাটিয়া বেড়াও?



পাপ ক্ষমা করির ক্ষমতা বাছাই  
করা রাজাটার আছে, তোর  
বিছানা তুলি নিয়া হাঁটি বেড়ও।







অবিশ্বাস

উয়ায় হাটির ধরচে!


হেঁ মুই হাটির ধরচুং!

কিন্তুক সগায় যে যীশুর  
কাম নিয়া খুশী তা  
কিন্তুক না হয়। জিরানের  
দিনত যীশু কোন কাম  
করে কি না ধর্মীয় নেতালা  
নজর দিবার নাগিলেক।  
সেই সময় জিরানের  
দিনত কাম মানা আছিলেক।



এটেকোনা এমন একজন  
মানষি আছে যার হাত  
শুকিয়া গেইচে। এই দিনত  
ভালকরির অনুমতি  
পাওয়া যাবে?

তোর হাত আগেয়া দে।



ও মুই ভাল হইচুং!



হামরা উয়াক  
শেষ করি  
দিবার উপায়  
পাইচি!

উয়ায় মানষিলাক  
খ্যেপেয়া তুলিচে,  
যিরুশালেমের  
মানষিলাক  
কবার নাগবে।



গালীল সাগরেরত শিষ্যলাক নিয়া নাও যাবার নাগিলেক।




প্রভু মোক বাচাও মুই  
ডুবি যাবার ধরচুং!



ভয় না খাইস!  
তোর বিশ্বাস কোটে?





উমরা উমার নাও নদীর ঘাটত বান্ধিলেক  
কিছুক পাহাড়ের মইদ্বোত।

অচানক,




ওই পাহাড়ত একটা ভূতের আত্মা  
পাওয়া মানষি রহলেক হয়।



উয়ায় আসির ধরচে!

উয়াক ! উঃ!



বা, বা, যীশু!



ভূতের আত্মা, উয়াক  
ছাড়ি দেক!

সর্বশক্তিমান  
ভগবানের  
বেটা তোর  
সাথে হামার  
সম্পর্ক কি?



তোর নাম কী?

দলত যাবার দেও,  
ক্যেনেনা ওটেকোনা  
হামরা অনেকে আছি।



ঐ শুমোরলার  
মইদ্বোত  
হামারলাক  
যাবার দেও।


যাও!



?



মুই পুরাপুরি সুস্থ হইচোং।





যাও!  
হামারলাক  
ছাড়ি চলি  
যাও!



মুই কি তোর  
সাখত আসিবার  
পার?

না এটেকোনায় থাকেক।  
ভগবান তোর জন্য যেইলা  
করিছে সেইলা সগাকে জানাও!





মুই তোমারলাক কবার ধরছুং, বেটা নিজের থাকি কিছুই করিবার পারে না। বাপক যেইলা করিবার দেখেন, উয়ায় খালি সেইলায় করেন। মুই বাপের ইচ্ছা অনুযায়ী কাম কর, নিজের ইচ্ছা অনুযায়ী কর না। উয়ায়ে একজন, যায় মোক প্যাঠাইছে।



যীশু সউগসময় নিরالا জাগাত  
প্রার্থনা করির যায়।




সারা রাইত প্রার্থনা করার পর যীশু  
উয়ার ১২ জন শিষ্যক বাছাই  
করিলেক। উয়ায় উমারলাক দুইজন  
দুইজন করিয়া বাইরা প্যাঠাইলেক। উয়ায়  
উমারলাক সউগ বেয়া আত্মা আর  
রোগের উপর ক্ষমতা দান করিলেক।



পিতর আর আন্দ্রিয় উমরা  
দুইজনে ভাই।



যাকোব আর যোহন উমরা  
দুজনে ভাই।



ফিরিপ আর বর্থলময়.....

থোমা আর মথি ( যায় আগত  
রোমান শাসকের খাজনা  
আদায়কারী ছিলেক)।



থদেয আর অন্য যাকোব



যোদ্ধা শিমোন আর  
ইস্করিয়োতীয় যীহূদা।



যাও, যায় তোমারলাক গ্রহন করিবে,  
উয়ায় মোকে গ্রহন করে, আর  
যায় মোক গ্রহন করেছে, উয়ায় মোক  
যায় প্যাঠাইছে উঁয়াকে গ্রহণ করেছে।



১২ জন শিষ্য উয়ার কামের বিষয়ত  
উৎসাহ নিয়া ফিরি আসিলেক।  
ইয়ার পাছত যীশু উমারলাক  
নিয়া একটা নিরالا জাগাত যাবার  
চাইলেক কিন্তুক মানষির ভিড়  
উয়ার পিছা ছাড়িলেক না।

ফসলেরক্ষেত ম্যেল্লা কিন্তুক কার্যকারী  
অল্প। ফসলের ক্ষেতের মালিকের টে  
প্রার্থনা করো, যাতে উয়ায় শস্য সংগ্রহের  
বাদে ম্যেল্লা কার্যকারী পেঠেয়া দেয়।



যীশু কথা কইছিলেক আর রোগীলাক সুস্থ করিবার ধরছিলেক। অনেক দেরি হয়্যা যাচ্ছে।

ফিলিপ, এতুলা মানষির খাবার কেনেং  
করি জোগাড় করিবে?কেনে  
তুই উমারলাক কিছু খাবার দিছিস না?



এটেকোনা প্রায় আটমাসের  
আয়ের টাকা পাইসার দরকার হবে।

এটেকোনা একটা চেংরার টে  
পাঁচটা রুটি আর দুই টা মাছ আছে।  
এটেকোনা এইকিনায় আছে।

সউগ মানষিলাক ৫০ জন করিয়া  
সারি সারি করিয়া বসিবার কও।




যীশু ভগবানক ধন্যবাদ দিলেক...



উয়ায় রুটি আর মাছলাক  
ভাঙ্গিলেক।







যীশু যেইনাকান ভাঙ্গি  
খাবারলা দিলেক সেইলা  
হাজার হাজার মানষি  
খাইলেক।



উয়ায় নিশ্চয় খ্রীষ্ট যার আসিবার  
কথা ছিলেক।

হামরানা উয়াক রাজা  
করার বাদে পাইছি!



দেখ! ওটেকোনা  
১২ ডেলি ভত্তি  
খাবার পড়ি আছে!



এইসমায় মানষিলা বাড়ি চলি যাউক। তোমরানা নৌকা  
নিয়া নদীর অন্য পারত যাও। মুই প্রর্থনার বাদে  
এইখান পাহাড়ত আছে।



ওটেকোনা কয়টা মানষি দেখা যাছে যেইলা যীশুক রাজা বুলিয়া ঘোষনা করির চায়। উমরা মনে করেছে উয়ার নেতৃত্বে রোমান দখল দারী উচ্ছেদ হবে। একে সাখত যীশুর বিরথীকারীলাও বেশি হবার থরিলেক। উমরা সউগসময় উয়ার গ্লানি করিতে থাকিলেক। উমরা মানষিলাক উয়ার বিরুদ্ধত উত্তেজিত করিতে থাকিলেক আর উয়াক বাইরাত বের করি আনিবার চাই



ভগবান, তুই এটেকোনা কোনবেলা আসিলু?

তোমারলার মুই রুটি দিছিनु বলিয়া কি তোমরালা মোর খোঁজ করেছেন?



যেইলা খাবার নষ্ট হয় যায় সেইলা খাবারের বাদে চিন্তা করেন না, কিছুক সেইলা খাবারের চিন্তা করো, যেইলা অনন্ত জীবন পর্যন্ত থাকে।



মুই সেইলা রুটি যেইলা অনন্ত জীবন দান করে। মুই দুনিয়ার জীবনের বাদে যেইলা খাবার দিম, সেইলা মোর শরীর।



এই মানষিটা কেমন করি হামারলাক খাবারের বাদে নিজের দেহা দিবার পায়?

বাজে কথা!



চলো হামরালা যাই?

উয়য় খালি সগাকে ঠকাছে।



তোমরালাও কি চলি যাবার চান?

প্রভু, হামরালা কারটে যামো? তোরটে কি অনন্ত জীবনের কথা আছে!

যীশুর বিরোধীতা বাড়িবারে নাগিলেক।  
উয়ায় গালীলপ্রদেশ ত্যাগ করিলেক  
আর উয়ায় অনুসারী বেটাছাওয়া  
আর বেটিছাওয়ালাক নিয়া  
ইশ্রায়েলের অন্য অন্য জাগালাত  
উয়ার কাম চালে যাবার  
নাগিলেক।

ইশ্রায়েল।

গালীল

যিরুশালেম

পরে উয়ায়  
যিরুশালেমত  
থাকিলেক।



যেলা ঘাটা দিয়া গেইছিলেক।

মানষিলা, মুই কায় এই নিয়া  
উমরানা কি ভাবে?

উমরানা ভাবে তুই  
এজন ভাববাদী।



আর তোমরানা?



তোমরানা মোক কি  
মনে করেন?



তুই মুক্তিদাতা, জীবন্ত ভগবানের বেটা।



এই কথাটা কাণোকো কবেন না। খ্রীষ্ট দুঃখ-কষ্ট  
পাবারবাদে আর পরান দিবার বাদে যিরুশালেম  
যাবারে নাগিবে। কিঙ্কু তিন দিবে দিন উয়ায়  
কবর থাকি জাগি উঠিবে।



যিরূশালেম শহরের বাইরাত প্রায় মানষি খুন হয়। উমারলাক জ্রুশ খুটাত মারি ফ্যালা হয়।  
যেইটা ছিল রোমীয় সরকারের একটা নিষ্ঠুর পরান দন্ডের শাস্তি।



যদি কাণ্ডো মোর হবার চায় তাইলে উয়ায়  
নিজক একপাকে থুবে আর নিজের জ্রুশ খুটা  
বয়া নিয়া যাবে আর মোক অনুসরন করিবে।



যায় যায় নিজের জীবনক রক্ষা করির  
চাইবে, উয়ায় উয়ার নিজের জীবন  
হারাৰে। কিন্তু যায় যায় মোর জীবনের  
বাদে জীবনক হারায় উয়ায় সেইটা  
খুঁজি পাবে।



তুই নিশ্চয় জানিস যে, একেনায়  
মাত্র ভগবান আছে।



গুরুত্বপূর্ণ বিষয় হইলেক, যেইলার আছে ওইলার সউগলায় দিয়া  
তুই তোর ভগবানক ভালবাসেক, আর তুই যেমন নিজক ভালবাসিস  
সেই নাকান করি অন্যক ভালবাসেক।



সেই সময় ইস্রায়েলত কুষ্ঠরোগীলার গ্রাম ছিলেক। কুষ্ঠ একটা ভয়ংকর চামড়ার রোগ। যার যার এই নাকান রোগ হইছিলেক উমরলার কোন সুস্থ মানষির নগত মিলামিশা করিবার দেওয়া হয় নাই।



কুষ্ঠরোগীলা যেনা কোনঠে যাওয়া আইসা করে সেলা উমরা চিকরিয়া সতর্ক করে যে উমরানা আইসেছে।

কুষ্ঠরোগী!  
কুষ্ঠরোগী!



যীশু! প্রভু! হামারলাক দয়া করেক।





যাও, পুরোহিতলারটে যায়  
নিজক দেখাও!



পুরোহিতলার ওটেকোনা যাও?  
নিজক পরীক্ষা করাও?

তাইলে কোনবেলা হামরালা  
সুস্থ হমো?



?

!



দ্যেখেন, মুই সুস্থ হয় গেলুং!



হামরালা সুস্থ হয় গেছি!

হ্যাঁ!



হাল্লেলুয়া! ভগবান  
মঙ্গলময়!  
তোক ধন্যবাদ!



তোমারলা ১০জন সগায় কি সুস্থ হয় যাও  
নাই? অন্যল্য কোনঠে? উমরা কি ভগবানক  
ধন্যবাদ জানেবার আসিবে না?



ওঠ! তোমারলার বিশ্বাস যে তালি  
তোমারলাকে সুস্থ করেছে সেইটা  
না হয়, কিন্তুক

যীশুর যাওয়ার ঘাটাত  
যিরুশালেমের নেতালা উমার  
কর্মচারিলাক গুপ্তচর হিসাবে  
উয়ার সাথত পেঠ্যাইলেক।  
উমরা পুরাপুরি উয়ার কামের  
বিরোধী করেছে।

উয়ার সেই সউগ মাঘিলাক উয়ার বগলত  
ডেকাইছিলেক, যায় যায় ছিলেক সমাজের  
বাইরা, যেমন বেশ্যা আর খাজনা আদায়কারী  
যায় রোমান সরকারের সাথে যোগ ছিল।

খ্রীষ্ট উমার খুজিবার আসিছে যায়  
যায় হারিয়া গেইছে আর আর  
উমারলার মুক্তি দিবার বাদে।



কারণ যীশু বিশ্রামের দিনতও  
সুস্থ করিছিলেক।

সুস্থ হও!



আর ছোট ছাওয়ালা ছিলেক  
উয়ার মনোযোগের প্রধান ব্যাপার।

ছোট ছাওয়ালক মোর এটেকোনা  
আসিবার দেও। ভগবানের রাজ্য  
উমার মত ছাওয়ালারেই বাদে।





যিরুশালেমের বগলত বৈথনিয়া  
গ্রামত যীশুক ডেকা হইলেক।  
লাসার অসুস্থ। লাসার আর ওর  
দুইটা বইন মার্থা আর মরিয়ম  
যীশুর ভাল বন্ধু ছিলেক।যেলা  
যীশু বৈথনিয়া পৌছাইলেক আর  
শুনির পাইলেক যে, লাসারত  
চারদিন আগতে কবর  
দেওয়া হইছে।



প্রভু! তুই যদি এটেকোনা থাকিলু  
হয় তাইলে মোর ভাই মারা  
গাইলেক না হয়।



মার্থা, তোর ভাই আরও উঠিবে।



হ্যা, মুই জ্যানু। শেষকালে ফির  
বত্তি উঠিবার সময় উয়ার  
ফির বত্তি উঠিবে।



মুই ফির বত্তি উঠা আর জীবন; যায় যায়  
মোর উপরাত বিশ্বাস করে, উয়ায় মরিলেও  
জীবিত থাকিবে। মার্থা, তুই এই কথা কি  
বিশ্বাস করিস?



হ্যাঁ, প্রভু, মুই বিশ্বাস করিছু যে, দুনিয়াত  
যায় আসিবে, তুইয়ে সেই প্রতঙ্গা করা যীশু,  
ভগবানের বেটা। উয়াক কোনঠে কবর  
দেওয়া হইছে?



উয়াক কোনঠে কবর দেওয়া হইছে?





দেখ, উঁয়াক উয়াক সত্যিকারে  
ভালবাসিছে।

কিছুক উঁয়াক কি  
লাসারের মরনক  
খন্ডেবার পারিলেক  
না হয়?



গুহাত হৈ কবরটা পাথর দিয়া ঢাকা আর লাশটা  
সমাধির কাপড় দিয়া জড়ানো।

পাথরটা সরে দেও।



প্রভু, এলা ওটে দুর্গন্ধ হইছে,  
কোনেনা চারদিন হয় গেইছে।

তুই ভগবানের মহিমা  
দেখির পাবু।



বাবা, যেইলা মানষি চাইরোপাকে খাড়া হয়  
আছে, ইলার বাদে এই কথাটা কলুং,  
যাতে ইমরা বিশ্বাস করে যে, তুইয়ে মোক  
প্যাঠে দিছিস।



লাসার  
বাইরাত বাইর  
হয়া আইসেক!



উয়াক জড়ানো কাপড় খুলি দেও আর উয়াক যাবার দেও।

যিরূশালেমের কর্তৃপক্ষ যীশু আর উঁয়ার অনুসারিণার  
সম্পর্কে আরো বেশী চিন্তা করিছিলেক।



এই মানষিটা মেল্লা অলৌকিক  
কাম করিছে।

হামরালা যদি উয়াক এই নাকান  
করিয়া চলিবার দেই রোমীয়লা  
আসিয়া শাস্তি দিবে।

উমরা হামরলার উপাসনালা আর জাতি  
দোনো টাকে ধ্বংস করিবে।



তোমরালা বিবেচনা করি দেখ! তোমরলার  
পক্ষে এইটা ভাল, যাতে মানষিলাৰ বাদে  
একটা মানষি মরে, আর পুরা জাতিটা  
নষ্ট হয় না যায়।





সেই বাদেই যীশুক  
মরিবার নাগিবে!

সেই সময় থাকিয়া যীশুক  
রোমীয়লাৰ হাতত তুলি দিবার বাদে  
যিহুদী নেতালা সুযোগ খুঁজিছিলেক।  
ক্যেনো উমরায় একমাত্র মরনের দন্ড  
দিবার একমাত্র ক্ষমতার অধিকারী।

যেনা যীশু বৈথনিয়াত ছিলেক



মরিয়ম!



সেই সুগন্ধি আতর  
এটার অনেক দাম।



গরীবলাক টাকা দান  
করিলে হামরা আরও  
ভাল করিনো হয়!



যিহুদা, উয়াক ছাড়ি দে।  
উয়ায় মোর দেহার সমাধির  
বাদে তৈরি করেছে।

নিস্তার পর্বের উদ্দেশ্যে ম্যেল্লা মানষি চট করি  
যিরুশালেমেত আসিছিলেক।



যিরুশালেমের নেতানা যীশুক  
গ্রেপতারের পরিকল্পনা করেছে। যদিও  
উয়ায় সেলাও শহরের পাকে যাত্রার  
ঘাটাত আছে।





মানষিলা আনন্দে উঁয়াক  
স্বাগত জানাছে।

তাড়াতাড়ি কর!

তাড়াতাড়ি কর!



ধন্য উয়ায়, যায় প্রভুর  
নামত আইসেছে।


যায় ইস্রায়েলের  
রাজা।



গোটা পৃথিবী উঁয়াক  
অনুসরন করিবে।

হামরালা এই নাকান আর  
কোনোঠে পাই নাই।

রাজধানী শহরের উপাসনা  
হইলেক উপাসনার কেন্দ্র।



নিস্তারপর্বের সময় ভেড়া  
উতসর্গ করা হইছিলেক।



ভগবানের সাথত মাষির ফির দেখা  
হওয়ার বাদে ভেড়া উৎসর্গ  
করা হইছিলেক।




কিন্তু কোন ভেড়া উতসর্গ মানষিক  
সত্যি পাপ মুক্ত করিবার পারে?



মানষিলা উপাসনার বারান্দাত ব্যবসা আর  
টাকা লেনদেনত ব্যস্ত।



যীশুও ওটেকোনা উপস্থিত ...



ভগবানের ঘর হইলেক প্রর্থনার  
ঘর। কিন্তুক তোমরালা এইটাক  
দস্যুলার গুহা বানাইছেন!




উঁয়ায় বিপদজনক, মানষিলা  
উঁয়ার সউগ কথা মানি চলেছে।



হামরালা উঁয়াক চট করি শেষ  
করি দেওয়া দরকার।





হামরানা যদি উয়ার সাথত চ্যালাকি করি তাইলে হামরানা উয়াক পাবার পারি। তারপর হামরানা উয়াক মারি ফ্যেলেবার পারিমো।

কিন্তুক এই নিস্তারপর্বের দিনত না হয়। হামরানা এই উৎসবের দিনত কোনরকম গন্ডোগোল হউক সেইটা চাইনা।



উয়ার বাদে মোক তোমরানা কত দিবেন?

ইস্করিয়োট যিহুদা, উয়ার শিষ্যদের একজন।



মুই যীশুক তোমরনার হাতত তুলি দিম!



হামরানা তোক যীশুর বাদে ৩০ টি রুপা দিমো, যেইটা একটা দাসের দাম।



যদিও নেতানা যীশুর বাদে সেই  
সমায়টা কঠিন করিছিলেক,  
তারপরও উঁয়ায় নিস্তার পর্বের  
আগের দিন উপাসনাত মানষিলার  
সাথত কয়া সময় কাটাইলেক।



ওইদিন সইন্ক্যাবেলা যীশু উঁয়ার ১২ জন শিষ্যক নিয়া  
শহরত নিস্তারপর্বের খাবারের বাদে একটে হইলেক।



মুই এইটা আইজ রাইততে করিম।





মুই দুঃখভোগ করার আগত তোমারলার  
সাথত একেসাথত নিস্তারপর্বের ভোজ  
খাবার বাদে অপেক্ষা করিছিনু।



যায় ক্ষমতাত থাকে তায় তায় অন্যের সেবা  
পাবার চায়। কিছুক কিছুক এইটা তোমারলার  
সাথত অবশ্যই অবশ্যই অন্যরকম করা যাবে।



সগারে সেবক তোমারলার নেতা হবে।



মুই তোমারলার মধ্যে একজন সেবক।





ভগবান, তুই কি চাকরের  
নাকান মোর ঠ্যাং ধুয় দিবু?  
কোন সময়ও হবার না হয়।

পিতর, যদি তোর ঠ্যাং ধুয়া  
না দ্যেং তাইলে মোর সাথত  
তোর অংশ নাই।



প্রভু, তাইলে মোর হাত  
আর মাথাও ধুয়া দেন।

যায় গাও ধইসে, ঠ্যাং  
ছাড়া আর কোন উয়ার  
দরকার নাই।



তোমরানা মোক গুরু আর প্রভু কয়া ডাকান,  
যেইটা ঠিক। যেই নাকান মুই তোমরলার ঠ্যাং  
ধুয়া দিলুং তোমরলাও অবশ্যই একে নাকান  
করি একজন আর একজনের সেবা করিবেন।



তোমরলার মধ্যে একজন মোর সাথত  
বিশ্বাসঘাতকতা করিবে।

সেইটা মুই না হও?

কোনো বেলাও না হয়!



যিহুদা, যেইটা  
করিছিস পছ  
পছে কর।





মোর স্মরণত এইটা  
সউগসময় করিবেন. . . .



এইরুটি নেও, এটা মোর দেহ।



এই পেয়ালাটা নেও, এটা মোর রক্ত যেইটা  
তোমারলার বাদে ঢালি দেওয়া হবে। এই  
নাকান ভগবান তোমারলার সাথত একাট  
নয়া নিয়মের চুক্তি করিবার যাছে।



মুই তোমারলাক একটা নয়া আদেশ  
দেছ, যেই নাকান তোমারলার  
ভালোবাসেছ, তোমারলাও ওইনাকান  
একজন আর একজনকাক ভালবাস।



যদি তোমারলার মধ্যত এই নাকান ভালবাসা  
থাকে, তাইলে সগায় জানিবার পাবে  
যে,তোমারলা আমার শিষ্য।



ভগবান ,মুই তোমাগ সউগ সময়  
অনুসরণ করিম। তোর বাদে মুই  
মোর প্রান দিম।



পিতর, মুরগা ড্যেকেবার আগত  
তুই তিন বার মোক  
অস্বীকার করিবু।

সেই সন্ধ্যার পর যীশু আর উঁয়ার শিষ্যলো শহর থাকি চলি  
গেইলেক। ঈস্করিয়োতীয় যিহুদা উঁয়ার সাথত ছিলেক না।



মুই তোমারলাক ছাড়ি চরি যাছ কিম্বুক বাবা তোমারলার বাদে  
পাবত্র আত্মা পেঠ্যাবে। উয়ায় তোমারলাক সাহায্য করিবেন  
আর সউগ সময় তোমারলার সাথত থাকিবেন।

মুই যেটেকোনা যাছ, তোমরালা  
সেইটার ঘাটা জানেন।



মুই ঘাটা আর সত্য আর জীবন,  
মোর মধ্য দিয়া না আসিলে  
কাণ্ডো বাবর বগলত।



তোমরালা এটেকোনার থাকো। মুই  
খালিক দূরত প্রার্থনার বাদে যাছ।



বাবা, যদি সম্ভব হয়, মোর কাছ থাকি  
এই কষ্ট দূর কর।



তারপরও মোর ইচ্ছা না হয়, তোরে  
ইচ্ছা পুরন হউক



এই সময়ত তোমরালা কেমন করি নিন্দত আছেন? উঠ!  
যায় মোক ধরে দিবে, উয়ায় বগলত আসি গেইছে!



মুই যাক চুমা দিম উঁয়াক ধরো।



ওহো প্রভু!



যিহুদা, তুই কি খ্রীষ্টক চুমা দিয়া  
বিশ্বাসঘাতকতা করছিস?

প্রভু হামরালা কি  
লড়াই করিমো?



না!



যীশু উঁয়াক নিজক নিয়া যাবার দিলেক। উঁয়ার  
অনুসারীলা চাইরোপাকে দৌড় পালাইলেক।



যীহুদী নেতালার প্রধান বামনের বগলত যীশুক নিয়া যাযো হইলেক।  
পিতর আর যোহন দূর থাকি উমাক অনুসরন করছিল।



পিতর আগিনাত গেইলেক।



তুইও তো উয়ার সাথত ছিনু?



না! মুই ওই লোকটাক  
চিনো না।

তুই উমার মধ্যে একজন, হয় না?



অবশ্যই না!

মুই ঠিকেই কবার ধরছুং! তুই ওটেকোনা ছিনু!  
তুই একটা গালীনীয়!



তুই কি কবার ধরছিস,  
মুই জানো না।





তুই কি  
ভগবানের বেটা?

তোমরালায় তো এইটা  
কবার ধরছেন।



ধর্মবিদ্রোহী জায় খালী মরনেরই-  
জোগ্য রোমিয়োনা জাতে ওবার  
বাদে সেইটাএ করে।

যীশুক রোমীয় শাসক পীলাতের বগলত নিয়া আসা হইলেক। যিহুদী  
নেতালা যেইনা দেখেছিলেক ওইলার সউগ জানেয়া দোষ দিলেক।  
উমরালা সউগ অভিযোগ দিয়া চিকিরিবার নাগিলেক।




তুই এই সউগে অভিযোগের বিষয়ত  
কি কবার চাইস? কিছুই না?



তু কি  
করছিস?

মুই সত্যের  
বিষয়ত সাকক্ষ্য  
দিবার আসিছু।




সত্য কি?



মুই এই মানষিটার কোন দোষ পালুং  
না। এইটা নিস্তারপর্বের সামায়, মুই  
কাক মুক্ত করি দিম, বারাক্বাক্ না  
যিহুদীলার রাজাক?







দেখ! লোকটা?

উয়াক ক্রুশ খুটাত দেও!

উয়াক ক্রুশ খুটাত দেও!

উয়াক ক্রুশ খুটাত দেও!





পীলাত মরনের দন্ডের আদেশত সই করিলেক। ক্রুশ খুটা দেওয়া ছিল একটা ভয়ংকর মরনের দন্ড। যীশু যেরুশালেমের ঘাটা দিয়া ক্রুশ খুটা নিয়া যায়।



মরনের দন্ড কার্যকারী জায়গাটা ছিলেক শহরের বাইরেত। এই জায়গাটা কয়া হয় গলগাথা, যেইটা মাথার খুলির জায়গা সাম্মে পরিচিত।



এটেকোনা সৈন্যলা যীশুক ক্রুশ খুটাত পেরেক দিয়া বিদ্ধ করেছে।



এ্যারে মধ্যেত ইস্করিয়োট যিহুদা  
উয়ার কর্মের জন্য অনুতপ্ত  
হইলেক।



মুই ভুল করিছু।

মুই নির্দোষ রক্তের সাথে  
বিশ্বাসঘাতকতা করিছু।



এই বিষয়ত মোর কি করার আছে?  
এইটা তোর সমস্যা!



দুই জন ডাকাইতের মাঝত যীশু  
ক্রুশবিদ্ধ হইলেক।




বাবা উমরলাক ক্ষমা করেক,  
ক্যেনো উমরা কি করেছে,  
সেইলা জানে না।

তিনটা ভাষায় দোষ - নামা নেখি  
ক্রুশ খুটার উপরাত ঝুলি দিলেক,  
এই মানষি (যীশু) “যিহুদীলার  
রাজা”।



যীশু যন্ত্রনা নিবারনের পানীয় পান  
খাইলেক না।



সৈন্যলো উঁয়ার কাপড় লটাড়ি  
করি নিলেশ।



হ্যাঁ, উয়ায় কি অন্যজনাক  
রক্ষা করে নাই?

তুই যদি ভগবানের বেটা হইস,  
তাইলে ক্রুশ খুটা থাকি নামি আসেক।



নিজক ও  
হামারলাক  
রক্ষা করেক!

ভগবানক কনেক সম্মান দে।  
হামারলাও হামারলার প্রাপ্য  
পাছি কিন্তুক এই মানষিটা  
কোন অন্যায় করে নাই।



তুই যেলা তোর রাজ্য যাবু সেলা  
তোক মনে করেন!

মুই তোক সত্যেই কবার ধরছুং,  
আজিই তুই পরমদ্যেশত মোর  
সাথত থাকিবু।



বেলা অনুমান ১২ ঘটিকায় বেলা  
ঢাকা গেইলেক, সউগ দেশ  
আন্ধার হয় গেইলেক।



যীশু মাও মরিয়ম আর উঁয়ার শিষ্য  
যোহন ক্রুশ খুঁটাত খাড়া হয় ছিলেক।

এলা থাকি তোমরালায় মাও আর বেটা।



ভগবার মোর, ভগবার মোর, তুই  
ক্যেনে মোগ ত্যাগ করিছিস?


মোক. . .তিষ্টা  
(তুয়া) নাইগছে।



বাবা, মুই তোর হাতত মোর  
আত্মা সপে দিলুং।



এইটা ... শেষ হইলেক।



বিকাল ৩ ঘটিকার সময় যীশু মরিলেক। একজন সৈন্য আসিয়া যীশুর পাঞ্জরত ঘুতা দিলেক; তাতে ওটে থাকি রক্ত আর জল বাইর হয় আসিলেক।



শাস্তত এই কথা নেখা আছে, “উয়ায় উৎসর্গের ভেড়ার নাকান হত্যা হইলেক”।



“উয়ায় হামারলার পাপের বাদে দুঃখ-কষ্ট সহ্য করিছিলেক”।  
কিছুক এলা উয়ায় মরা।




যাঁর আসিবার কথা ছিলেক  
উয়ায় কি সেই খ্রীষ্ট?



অরিমাথিয়ার যোসেফ আর নীকদীম যীশুর মরা দেহা নিলেক। উমরা লাসটি সুগন্ধী জিনিসের সাথত মসীনার কাপড় দিয়া বান্দিলেক আর কবরত থুয়া একটা বড় পাথর দিয়া সেইটা ঢাকা দিলেক।




আইসো, যায় জিজ্ঞাস করি উয়াক  
কবর দেওয়া যাবে কি না।





নিস্তারপর্বের একটা অংশ যেইটা  
বিশ্রাম দিনের পরে দিন, কয়েক  
জন শোক করা বেটিছাওয়া  
কবরের ওটেকোনা গেইলেক।



পাথরটা সরে থোয়া আছে!

মরনের মধ্যেত জীবিতলার খোঁজ কেনে  
করেছেন? উয়ায় উঠি গেইছে! যাও আর  
উয়ার শিষ্যলাক জানাও।



পিতর আর যোহন যেনা সেইটা  
শুনিলেক উঁমরা দৌড়ি কবরের  
বগলত গেইলেক।



কি ব্যাপার?

এইটা পুরাটাই খালি!






কবরের চাইরোপাকে বাগানের মধ্যেত . . . .




নারী, তুই কান্দিছিস কেনে? তুই  
কাক খুঁজি বেরাছিস?



গুরু, তুই যদি উয়াক  
নিয়া থাকিস?



মরিয়ম?




রক্ষুণি!



মোক ছুয়া দেখ। মোর ভাইলার  
বগলত যায় কও, যায় মোর  
বাবা আর তোমারলারও বাবা  
আর মোর ভগবান ফির  
তোমারলারও ভগবান, উপরাত  
উয়ার বগলত মুই যাছ।

সেইদিন যীশুর দুই-জন মনমরা অনুসারি ঘাটা দিয়া  
যাইতে যাইতে যীশুর ক্রুশ খুঁটাত মরি যাওয়ার  
বিষয়ত আলোচনা করিবার ধরছিলেক .. .. .

তাইলে ভাববাদীলার কথা তোমরালা বিশ্বাস  
করির ধরছেন না? খ্রীষ্টের কি উচিত ছিল না  
যে, দুঃখ ভোগ আর নিজের ক্ষমতায় ঢুকি  
যাওয়া? এইলা বিষয়ত বাইবেলেত নেখা আছে।



খাওয়ার সময় হঠাৎ  
অতিথি উধাও .....

.....কিছুক  
উয়ায় ছিলেক  
যীশু নিজেই!



উমরা সেলায় সেলায় যীশুর অন্য  
অনুসারীলার খোঁজত চলি গেইলেক।

মরিয়ম আর পিতরও  
ওটেকোনা ছিলেক।

হামরালা প্রভুক দেখেছি!



হঠাৎ .....

মুই তোমারলার  
শান্তি কামনা কর।



তোমারলার কি বিশ্বাস  
হছে না যে এইটা  
মুইয়ে? মোর হাতত  
আর ঠ্যাং দেখ!



প্রভু মোর,  
ভগবান মোর!



পরের ৪০ দিন যাবত যীশু উঁয়ার শিষ্যলোক দেখা দিলেক। উঁয়ায় একেসাথত ৫০০ মানষিক দেখা দিলেক। একদিন শিষ্যালোক কয়েকজন গালীল নদীত মাছ ধরিছিলেক .....

তোমারলার কাছত কি কোন খাবার আছে?

না, হামরালা কিছুই ধরিবার পারি নাই!

উল্টা পাকে তোমারলার জাল ফেল!

অবাক ব্যপার, এতুগুনা মাছ ধরা পড়িলেক!

উয়ায়ে প্রভু!

প্রভু!

তুকি হামার সাথত খাবার আসিবার ধরছিস?



পিতর, তুই কি মোক সত্যি ভালবাসিস?



যীশু এ্যেকে নাকান প্রশ্ন পিতরক তিন বার জিজ্ঞাসা করিলেক .....



হ্যাঁ, প্রভু; তুই জানিস, মুই তোক ভালবাস।

মোর ভেড়াগুলাক পালন কর।



মোর অনুসরন করেক!

স্বর্গ আর পৃথিবীর সউগ কততু মোক দেওয়া হইছে। তোমরালা যায় সউগ জাতিক শিষ্য কর; বাবার বেটার আর পবিত্র আত্মার নামত উমারলাক বাপ্তিঅ দেও; মুই তোমারলাক যেইলা আদেশ করির ধরছুং, সেইলা পালন করির বাদে উমাক আদেশ দেও।



মনে রাখেন, মুই যুগের শেষ সময় পর্যন্ত পত্যেকদিন তোমারলার সাথত আছ।

এইলা সউগ কথা কওয়ার পর যীশু পৃথিবী ছাড়ি গেইছে আর উয়াক স্বর্গত তুলি নেওয়া হইছে। কিছুক উয়ায় এইলা কথায় কয়া গেইছেন যে, উয়ায় সউগ মানষির বিচারের বাদে পৃথিবীত অরোও ফিরি আসিবে।

উয়ার শিষ্যলা যিরুশালেমত অপেক্ষা  
করেছে আর প্রার্থনা করেছে। পবিত্র  
আত্ম, ভগবানের উমাক পূর্ণ  
করিলেক। এ্যেকে নাকান আত্মা  
যেইটা যীশুর সাথত ছিলেক আর  
এলা সেইটা উমার মধ্যত বাস  
করেছে। উয়ায় উমারলাক নয়া  
মানষি হিসাবে বানাবে যায় যায়  
যীশু সম্বন্ধে শক্তিশালীভাবে সাক্ষ্য  
বয়া নিয়া যাবে।

মরন যীশুক ধুরি  
রাখিবার পারে নাই।  
ভগবান উয়াক আরো  
ফির জীবনত ফিরিয়া  
আনিছেন আর উয়াক  
মসীহ, প্রভু করা হইছে।



যীশুর অনুসারীলা বড় ধরনের বিরোধীতাক সামনত  
রাখিয়া বাইরা গেইলেক।

যীশু হইলেক ভগবানের বেটা!



এই কতা চিঠির মধ্যে  
দিয়াও প্রচার করা হয়েছে।

যেলা উয়ায় ক্রুশের উপারত  
মরন বরন করিছে সেলা  
উয়ায় হামারলার সউগ  
পাপ নিজের দেহার বয়া  
নিয়া গেইছিলেক। সেই  
কারণে হামরালাও পাপের  
সাথত মরনক বরন করিছি  
আর এলা থাকি যে জীবন  
সেইটা ভগবান যেইভাবে  
চালেবার চান  
সেইভাবে চালাবে।

এলা যীশুর অনুসারীলা সউগ  
পৃথিবীত একসাথে প্রার্থনা আর শাস্ত্র  
পাঠের সময়ত গোটো হয়। যীশুর  
মরনের স্মরণের বাদে উমরা নিজের  
মধ্যতে রুটি ভাঙ্গা আর আঙ্গুর রস  
পানে নিবিষ্ট থাকে। এইটায়  
ভগবানের ইচ্ছা যে উমার হৃদয়ত  
বগবানের যে ভালোবাসা আছে  
সেইটা যাতে উমার চাইরোপাকে  
যায় যায় আছে উমারলার সগরে  
সাথত বাগ করে।

ভগবানের যেইটা উদ্দেশ্য  
সেইটা যীশু মানষির বাদে  
সহজ করিছে।



যীশু হামাক ভালবাসেন! উঁয়ার  
উপকারলা স্বীকার ডাল!



ভগবান পৃথিবিক এমন ভালবাসিলেক যে,  
উঁয়ার এ্যোকেনায় মাত্র বেটাক দান  
করিলেক, যায় যায় ইয়াতে বিশ্বাস করে  
উয়ায় নষ্ট হয় না যায়, কিন্তুক  
অনন্ত জীবন পায়।

WILLEM DE VINK

# বাইবেল

যীশু খ্রীষ্টের জীবনের ঘটনালা বাইবেলত লেখি থোওয়া আছে। এই বাইবেল থাকিয়া অন্য কোন বই এতুলা বার পড়া হয় নাই। এই বাইবেলের মত এত বেশি কোন বই পড়া হয় নাই। এইটা হইলেক সউগ বইয়ের থাকি একটা পুরাপুরি বই। প্রায় ১৫০০ বছর দরকার হইছিলেক এই বইলা নেখিতে। প্রায় ১৯০০ বছর আগত এই বাইবেল নেখা শেষ হইছিলেক। এই বাইবেলের মধ্যে দিয়া ভগবান ক্যেমন করিয়া মানষির সাথত মুক্ত হইছিলেক সেই বিষয়ত সউগ রকমের ঘটনালা নেখি থুইছে। ভগবান কায় সেইটা যীশুর জীবনের কাহিনী ভাল করি বুঝিদিছে।


## যীশুর ইতিহাস

বাইবেলত চাইরটা খন্ড আছে যেটকোনা যীশু খ্রীষ্টের জীবন সম্পর্কে বননা করা হইছে। সেই খন্ডলার নাম লেখকলার নাম অনুসারে থোয়া হইছে। এই লেখকলা যীশু খ্রীষ্টের সময়কালীন জীবত ছিলেক।

১) মথি - উয়ায় একজন যীশুর শিষ্য ছিলেক। উয়ায় একজন খাজনা আদায়কারী হিসাবে কাম করছিলেক। উয়ায় বিশেষ করি বর্ণনা করছিলেক, ক্যেমন করিয়া যীশু ইস্রায়েলীলার (যীহুদী জাতি) সাথত যোগ তৈরি করছিলেক।

২) মার্ক - যেলা যীশু উয়ার কাম-কাজ শুরু করছিলেক সেলা মাক ছিলেক যুবক মানষি। উয়ায় সংক্ষেপে যীশু যেইলা অলৌকিক কাম করছিলেক সেই বিষয়লা নেখি থুইছে।

৩) লুক - উয়ায় ছিলেক চিকিৎসক। উয়ায় যীশু খ্রীষ্টক ব্যক্তিগত ভাবে জানে নাই। যীশু মানষীর নগত ক্যেমন করি যোগ হইছিলেক সেই বিষয়লাত লুক বর্ণনা করছিলেক।



৪) যোহন - উয়ায়ও একজন যীশু খ্রীষ্টের মানষি ছিলেক। সত্যিকারে যীশু খ্রীষ্ট কায় ছিলেক উয়ায় আসলে সেইটায় দেখেবার চাইছিলেক। যীশু খ্রীষ্ট ছিলেক ভগবান, যায় মানষি হয় মানষিক উমার পাপ থাকিয়া মুক্ত করিবার বাদে আসিছিলেক।



## যীশুর জন্ম


যেলা যীশুর জন্ম হয় সেলাও উয়ার মা। মরিয়মের বিয়াও হয় নাই। উয়ার সেলাও কুমরি ছিলেক। তারপরও যীশুর জন্মের সউগ আয়োজন ভগবান ঠিক করি থুইছিলেক। এই নাকান অলৌকিক জরেন্নু কতা যীশুর জন্মের অনেক আগত ভাববাদীলার মধ্যে দিয়া উয়ায় ঘোষণা করিছিলেক, যীশু খ্রীষ্ট একজন নায়ক বিশেষ কোনো কিছুর মতন জন্ম গ্রহন করেনি উয়ায় এমন একযেগার জন্ম গ্রহন করিছিলেক যেটেকনা থাকি বার কোনো জেয়গায় ছিলেক না।

## যীশুর অলৌকিক কাজ

যীশু ম্যেল্লা অলৌকিক কাজ করেছিলেক। পবিত্র বাইবেলত ৪০ টার বেশী আরোগ্য দানের সম্পর্কত নেখি থোয়া হইছে। আর এই নাকান অলৌকিক মধ্যে দিয়ায় উয়ায় ভগবানের ক্ষমতা আর ভালবাসা দেখাইছিলেক। এ্যেকে সাথত উয়ায় মানুষক সাহায্য করিছিলেক।



## যীশুর মরন আর ফির বন্ডি উঠা



যীশু কেনে মরনক বরণ করছিলেক? এই ব্যাখ্যা বাইবেলত দেওয়া আছে।

যে কোন সময় সউগ মানষি ভুল করির পায়। যেইলা বিষয় ভগবান চায় না বা যেইলা বিষয় উঁয়াক দুঃখ দেয় আর রাগ উঠায়। সেই বিষয়লাক পাপ কয়া হয়। এলা সউগে পাপ মানষিক ভগবানের বন্ধুত্ব থাকি দূরে সরে দেয় সেই কারণেই যীশু জগতত আসিছিলেক। উয়ায় স্ব- ইচ্ছাতে হামারলার পাপের শাস্তি বয়া নিগাইছিলেক। সেই শাস্তি ছিলেক মরন। যেলা থাকি যীশু মরনক বরণ করিলেক যেলা থাকিই হামারল ভগবানের ফির বন্ধু হবার পাছি। কিন্তুক হামরা যেইলা ভুল করছি সেইলার বাদে হামারলাক দুঃখ প্রকশা কররি নাইগবে।

যীশু মরন থাকি জীবিত হয় উঠিছে। ভগবান ফির উঁয়াক জীবন দিছিলেক। ইয়ার মধ্যে দিয়া ভগবান দেখাইলেক যে, উয়ায় মরন থাকি অনেক বেশী ক্ষমতালী।

যীশু খ্রীষ্ট জীবিত অবস্থায় এলা ভগবানের সাথত আছে। আর উয়ায় যেহেতু এলাও জীবিত আছে, সেহেতু সউগ সময় উয়ায় হামারলার বন্ধু হবার পায়। জীবনক যেইনাকান করি চালাইলে

## প্রার্থনা

যদি তুই নিজের করা ভুললার বাদে দুঃখ পাইস আর যদি তুই ভগবানের বন্ধু হবার চাইস, তাইলে তুই প্রার্থনা করিবার পারিস:

“দয়ালু ভগবান, তুই মোক ভালোবাসিস। তোর এ্যেকেনায় বেটা যীশু খ্রীষ্টক প্যেঠে দিছিস।

মুই জীবনত যতলা ভুল করিছুং সেইলার বাদে উয়ায় ক্রুম খুটাত মরনক বরণ করিছে।

মুই যত নাকানের ভুল করিছুং সেইলা দয়া করি মোর ক্ষমা করি দেও।

মুই ভরেল বাদে দুঃখ পাছো। যীশু খ্রীষ্ট যে মোর পাসত আছে, সেইবাদে মুই তোক ধন্যবাদ দেৎ।

মুই সউগ সময় তোমার হয় থাকির চাও।

তুই যেইনাকান চাইস সেই নাকান কি জীবন যাপন করিবার মোক সাহায্য করিবু?

তুই কি সউগসময় মোর সাথত থাকিবু? মোর প্রর্থনার উত্তর দিছিস জন্য তোক ধন্যবাদ দেৎ।

তুই যে প্রতিজ্ঞা করিছিস সেইলা মোর বাদেও করিস”।

## যীশু আর তুই

যীশু খৃষ্টের ঘটনা একটা চলমান সমাপ্ত। উয়ায় ম্যেল্লা মানষির একজন মহান বন্ধু সেলাও ছিলেক আর এলাও আছে। এই পৃথিবীটার পরিবর্তন হইছে। ম্যেল্লা মানষি আর গাধার পিঠির চড়ে না বা ঘোড়ার পিঠিত চড়ে না, কিন্তুক উমরাদা গাড়িত, উরোজাহাজত চড়ে। কিন্তুক এইলা যীশুরটে কোন আলাদা মানে হয় না।

যেলা উয়ায় ইস্রায়েলের মধ্যে দিয়া হাঁটিছিলেক সেই নাকান এলা হামারলাক সাথত আছে। হয়ত এলা উয়ায় অদৃশ্য, কিন্তুক উয়ায় এলাও বাস্তব। আজিও উয়ায় তোমারলার বন্ধু হয়ার চায়। তোমারলার উয়ার কতা শুনিবার পান আর উয়াক ভালবাসির পান।

তুই যীশু আর উয়ার জীবনের সম্পর্কত আরো ম্যেল্লা কিছু জানিবার চাইস? তাইলে তুই নিচের বিষয়লা অনুসরন করেক:

- ১) তুই নিজে বাইবেল পড়া শুরু করেক। (উদাহরণের বাদে তুই লুকের গেকা ভাল খবরের খন্ড পাঠ করা শুরু করেক।
- ২) প্রার্থনা শুরু কয়েক। (ভগবানের সাথত কথা কও আর উয়ার কথা শুনেক- তোর কোন বিশেষ শব্দ বা বাক্য ব্যবহার করার দরকার নেই।)
- ৩) অন্যের সাথত যীশু আর পবিত্র বাইবেলের সম্পর্কিত কথা কও। যীশু খ্রীষ্ট চায় যাতে উয়ার অনুসারীলা একেঠে মিলিত হয় আর উমরা একজন আর জনের কাছ থাকি উয়ার বিষয়ত আর শিখিবার পায়।



Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as " Jesus Messias". Edition in Rajbangshi 2020 : ISBN : - 978-90-73150-386

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : jmpbnortheast@gmail.com

## মসীহ যীশু

যীশু খ্রীষ্টের বিষয়ত এইটা একটা সত্য কাহিনী। প্রায় ২০০০ বছর আগত উয়ায় ইস্রায়েলত বাস করিছিলেক। যায় যায় উয়ার সাথত দেখা করিছে উমরানা সগায় আশ্চর্য্য হয় গাইছিলেক। উয়ায় যেইলা করিছিলেক সেইলা কাণ্ডায় কোনসমায় করিবার পারে নাই। উয়ায় যেইলা কয়া গাইছে ওইলা কাণ্ডায় কবার পায় নাই। যীশু যেটেকোনায় ছিলেক ওটেকোনায় অলৌকিক ঘটনা ঘটিছে। যায় উয়ার কথলা মন দিয়া শুনিছে উমারলারে মধ্যত আনন্দ আর সুখ নিয়া আসিছে। যদিও হঠাৎ করি এইটার শেষ হইলেক। উয়ার শত্রুলা উয়াক মারি ফ্যালালইছিলেক। কিন্তু সেইটা শেষ ছিলেক না। এইটা ক্যমন করিয়া ঘটিছিলেক সেইটা তোমরা নিজেই পড়েন আর দেখেন ক্যমন করিয়া যীশু খ্রীষ্টের কাহিনী চলমান আছে।



Language: Rajbangshi  
ISBN: 978-90-73150-38-6